

DR-Weekend 2014

Samstag 30.08.2014

Mit eme feine Gipfeli sind mir am Samschtig-Morge am Bahnhof Horge empfangen worde. Mit zwei Autos simmer los gfare. Nur euses OK-Team d'Mariana + d'Juli und d'Naviagations-Susi händ gwüsst, wohi das es gaht. Nach eme gmüetliche Fährtli simmer in Faulensee am Thunersee acho, wo eus de Andreas im Seehüsli Blue Turtles empfangen hät. Während drü Stunde händ mir chöne die neu Trendsportart Stand up Paddeling (SUP) usprobiere. Am Afang no chli wackelig unterwägs und gäg de Schluss ischs den zu Übermuet gwechslet. Euses Fazit vo dem Abentür isch das es riese Spass gmacht hät und mir glernt händ das eh Schwümmweste chan schwümme ;-). De Mittagsrascht händ mir bi wunderschönem Wätter am Thunersee gnosse und eus mit ere Glace-Rundi vom Pädä (em schöne Glacemaa) vom Blue Turles verabschiedet. Witer gahts mit eusne Autos, nur wohi? Demall weiss nur no d'Susi wos ane gaht, oder vilicht au doch nöd? Nach dem mir einigi Umwege gmacht hend, mit de Autos dur Chueweid gfare sind, und dä dän au no grad umzuunt händ sind mir im Indianerdorf bi Krattigen acho. Es Tipi-Zelt mit ere grosse Füürstell warte uf eus. De Oberhäuptling füehrt eus durs sis Revier und sini Hünd händ eus leider gar nöd is Herz gschlosse. Mit Proseco, Chips und Gummibärli (?... Idee einer Schwangeren) stärket mir eus für euses nächschte Projekt: Füür für de Znacht. En wunderschöne Tag gaht bime schöne Füürli und eme klare Stärehimmel zänd.

Danke Mariana, Juli, und klein Juli für diä ganz Organisation und dem feine Znacht
Brichtschreiberinnen Tag 1: Auto Skoda mit Nici A., Fabi, Simi

Sonntag, 31.08.2014

Nachere eiwiisriche Nacht sind mir am 8 ti verwachtet. Klein-Julchen hät scho z morge becho und dä Rest hät dä grossi Brunchtisch in Agriff gno. Euses Tippi hemmer nachher verlah und sind ufem direkte (eifachere) Wäg richtig Thun gfare. Z' Thun a cho hät eus de Fuchs in Empfang gno und eus 2 Stunde a de Nase umegfüührt. I zwei Gruppe hemmer die 21 Pöste mit "bravur" bestritte.

Bevor mir eus uf de laaangi Heiwäg gmacht händ sind mir no am schöne Ufer vom Thunersee go picknicke und händ es frohes Reste-Ässe gmacht.

Mir danked de Marina und de Juli für ihri super Organisation und das lustige Weekend.

D' DR-Ladies im Horgner-Firme-Büsli Eve, Nici und Marina

PS: E wichtigi Mitteilig an Santi: Äs grosses Dankeschön für die gspendeti Nutella-Büchs und S Nesquick ☺ Grazias